

# COMUNU DE SANTADI

OGETU: Adotzioni de measuras de preventzioni e controllu de sa presència de is insetus vectoris de sa transmissioni de maladies infetis de s'òmini, e massimamenti de sa Calentura de su Nilu (*West Nile Disease*).

## AVISU A IS CITADINUS

Si fait sciri ca cun Ordinàntza de su sindigu n.36 de su 30.09.2022 funt stètias adotadas unas cantu measuras e preventzioni de is cuntàgius de sa Calentura de su Nilu.

Tentu in cuntu ca is resurtaus de s'atividadi de survegliàntzia in is cunfrontus de su *West Nile* e de su virus Usutu in Itàlia agiornaus a su 23.08.2022 ammostrant ca in s'ùrtima cida de survegliàntzia sighit a cresci su nùmeru de casus umanus de infetzioni de *West Nile Virus*, ca funt stètius sinnialaus in Itàlia 3 casus asintomàticus de Usutu virus in donadoris de sànguini (2 Friuli Venètzia Giùlia, 1 Piemonti) e ca in Sardigna s'est averiguau unu casu de infetzioni de Calentura de su Nilu e ca sa survegliàntzia atuada in pillonis stantzialis e arestis, sintzu e cuaddus at cunfirmau sa circulatzioni de su *West Nile* e de su USUTU – in lìnìa cun is measuras de preventzioni scirtas in s'ordinàntzia arremonada in antis – **si arricumandat a totus is citadinus** de:

- no sbandonai in logus obertus strexu de calisiat mannària o natura chi si potzat preni de àcua pròina e de evitai sa regorta de àcua stagnanti fintzas temporànea;
- sboidai s'àcua chi si agatat in is strexus e ddus ponni a mani a manera de stransiri acùmulu idricus de chi proit o chi si àcuat;
- tratai s'àcua presenti in tumbinus, grìglas de scàrrigu, putzetu de regorta de is àcuas meteòricas presentis is tretus de proprietadi, oberendi prodotus de eficàtzia larvicida sigura, opuru in alternativa, a protzedi a ddu serrai cun retza zanzariera;
- tenni is cortilis, is pratzas e is àreas abertas sgombrus a manera chi no abarrit àcua;
- adotai totus is provedimentus eficacis a stransiri chi is materialis oberaus permitant chi si formint regortas de àcua e in casu contràriu tocat a fai una disinfestatziòn a intrus de 5 diis de dònna precipitatzioni;
- stransiri regortas de àcua in àreas de sgavu. Bidonis e àterus strexus depint tenni crobeturas ermèticas opuru depint essi sboidaus de su totu a intrus de 5 diis;
- oberai repellentis antisintzu e si acaraxai beni sa persona cun bistimenta adeguada in casu si nci esset a ora de scudigai o a ora de obresci;
- cambiai s'àcua in is strexus presentis in campusantu assumancus una borta dònna cida.

In cas de ortus, vivàius, serras, depòsitus de froris e matas, siendas agricolas:

- acuai in manera de stransiri dònna apillu de àcua;
- ponni totus is strexus e àterus materialis (es. telus de pràstica) in manera de stransiri chi abarrit àcua si proit
- serrai beni e in manera firma cun is crobecus is serbatòius de àcua;
- fai totus is averiguaduras adeguadas e tratamentus eventualis de is strexus de matas e froris destinaus a sa cultivatzioni e sa cummercializatzioni.

Po chi sa ghera a su sintzu tengat èsitu positivu serbit puru sa collaboratzioni de totus is tzitadinus finalizada a ponni mesuras de preventzioni e de tratamentu in is àreas de cumpetèntzia.

Sa Calentura de su Nilu (West Nile Disease) est una maladia infetiva de origini virali **non cuntagiosa** trasmìtia de insetus vetoris (genias diferentis de sintzu). S'òmini est infetau candu su sintzu infetu ddu spitzulat e su sintzu etotu nd'at aciapau su virus de is pillonis.

Su sintzu fait sa parti prus manna de su ciclu biològicu in s'àcua e, sendi ca non si stesiat meda de su logu de origini, est cosa beni fata a stransiri chi si formint apillus, mancai siant piticheddus, de àcua aundi podint ghetai is ous e svilupai sa larva **ponendi in fatu a is racumandatzionis iscritas in antis**.

A su scopu de su monitoràgiu de sa circolatzioni virali in su territòriu, si annoat s'invitu de sa sienda sanitària **a sinnilai is spegus de pillonis tzerriendi is veterinàrius ASL Sulcis a su nùmeru 0781 6683943**.

Prus informatzionis si podint agatai in su situ web de su comunu e in is pàginas afatantis:

Sa pàgina web de s'Istitutu Superiori de Sanidadi dedicata a su West Nile virus: [Febbre West Nile - Istituto Superiore di Sanità \(iss.it\)](http://www.iss.it)

Sa pàgina web de su ECDC dedicata a sa West Nile Fever:  
[Weekly updates: 2022 West Nile virus transmission season \(europa.eu\)](http://ecdc.europa.eu/en/press/news/2022-05-11-west-nile-virus-transmission-season)

Sa pàgina web de s'Istitutu Zooprofilàticu de s'Abruzzu e de su Molise "G. Caporale"  
[IZS - Che cos'è la West Nile Disease?](http://www.izs.it)

Is inditus de su Centro Nazionale Sangue relativa a is mesuras de preventzioni de sa trasmissioni trasfusionali de s'infetzioni de West Nile Virus:  
[West Nile Virus 2022 - Centro Nazionale Sangue](http://www.cnsanguemilano.it)

Is inditus de su Centro Nazionale Trapianti a pitzus de sa trasmissioni de su virus West Nille po mèdiu de trapiantu de òrganii. Tessutus e cèllulas:  
[West Nile Virus, attivo il piano di sorveglianza della rete nazionale trapianti \(salute.gov.it\)](http://www.salute.gov.it)

Sa pàgina Web de su Ministeru de sa Saludi dedicata a West Nile Virus:  
[West Nile Disease \(WND\) \(salute.gov.it\)](http://www.salute.gov.it)

Agratziaus is citadinus po sa collaboratzioni.

**SANTADI, 30 de cabudanni 2022**

**Su Sindigu  
f.au M. Impera**